

斗野藁支卷

雲間

邗州 張

蘊

仁溥

勍倚柁樓聞宦嘆半生此地一經過
机雲故宅荒涼
月海新秋浩蕩波曉般紅蓮商客市夜
牕白苧女兒歌吟
邊冷被沙鷗笑衣化京塵鬢亦皤

江湖偉觀

隈柳朝：送酒舫一闌山色越帆烟
蓬萊雲氣東溟
外閭闔星辰北斗前突兀向來無此
屋登臨當日有
諸賢夕陽過雁慵回首吟入閩河萬里天

鳳雀鵲三題與江社同賦

一去朝陽寐不聞西康臺北起寒雲
梧花竹實年々事奈此喧啾百鳥群

立雪精神兩瘦、天風入羽思江湖
逋仙梅下曾相識千載歸來一悟無

月樹爭枝影共寒、植々飛過屋頭山
五陵年少多春悶一彈千金落等閑

頌送

海水還清淺、停杯問二豪
雨來江色暝沙長、岸容高吏鞅何能脫
王程敢憚勞、秋風柁樓底、短髮不禁搔

錢氏東臯

百年鍾鼓園林在、人物蕭疎更海鄉
藤絡湖嵌山解長、花移鄴本土、猶香棋聲靚
畫林陰淡、扇影間秋水氣長、莫道官忙行樂少也、分物色到奚囊

上海

夢斷三更宿蘆邊、繫短篷聽潮看海月
坐石受天風物至秋而化、年來我亦翁
長歌相勞事、猶喜此樽同

新晴

林影熹微曉乍晴、老於世故獨閑情
連峰未撤邊頭戍、積潦猶妨隴上畊
幾為餉蚕憂濕葉、重回漂麥困

飢萌龍公多事多勞耳万理由來要得平

錄

錄：竟何為衣塵日以緇故人閒入夢久兩頗妨脾
燕履登巢息蜂程載蜜虧獨斟蓮子酒愁絕杏花詩

除夕

京國逢除夕栖遲鬢欲霜春聲生竹爆歲色動椒香
戒睡聽鷄早占詩探繭忙燭花頰送喜兒女笑烘堂
禱雪天竺由靈鷲過冷泉

降香天竺去淪茗冷泉來新徑石間過危亭木杪開
烟山晴若画霜葉濕如灰点檢經行處今年未見梅
祀事

誤被雞催起偷聽漏鼓稀書檠風展卷香盤火生衣
困嗅茶犹病吟殮菊可肥月明天路靚親到帝旁歸

西湖清明

芳天新霽惠風和軟綠平隄凝不波桃李無言看客
慣樓臺如画占山多游裾匝路填車馬翠榜開筵闌
綺羅寐：寒烟生水面白漚奈此月明何

酥

兼味醍醐外分身乳酪中江南鳴犢犢塞上寄飛鴻
乾雨看如幻生鹽訝漸融膈殘猶有待煎取牡丹紅

食蠅次韻芸隱

相黏成什伯，峯聳若山王。史南人呼明駝為山王攻處須犀鐵，
持來出蟹湯。梅花霜後味，竹色酒邊香。坐憶游閩樂，
今年始得嘗。

次韻月中閨宿

月明華表語，霜清萬籟沉。靜有聲一自別來，瑤樹
長几回飛。夢到曾城，孤影裏、四月中。瓊滿貯酒如空，東皇太一應來
下。笑指梅花一信通。

齊宮偶題

衆綠扶疎，雨氣清。柳花吹作小池萍。文牕畫窳齋房
邃，三漱華池誦玉經。

同寮約游香林分韻得林字

約我當休沐，同過支道林。棋邊翻覆手，酒外太平心。
石漱晴湍細，猿吟夏木深。歸帆帶疎雨，涼意滿幽襟。

春朝偶題

忙裏偷閒，答物華一官隨。分是生涯，春風酒棹湖隄。
柳曉月吟，羈輦路花報喜。忽聞枝上鵲，忘机時下屋
頭鴉。殘年鈍悶，今朝盡重對菱花，拂帽紗。

重游大滌洞天

澗水冷々石髮新松花香靚翠崖深雲生不沒仙人
跡丹化猶啼搗藥禽洗眼人多求聖水醒心吾獨受
清音杖藜更欲過新洞無奈春空又作霖

東菴與道者語有感

瘦策松間日又斜更過南嶼喫僧茶丹青嶺樹明寒
葉水墨江天噪亂鴉付酒一杯真樂事讀書万卷足
愁涯更嘗世故知閒味河水依然鬢自華

朱柿

慈恩分種遠駢宴渥如丹垂野華星火然雲火樹寒
蟹螯微有忌猩血訝難搏七絕雖堪賞無勞把核鑽

喜李崔田至次阮雲心韻兼寄

月樹秋來碧幾尋古薊熏徹紫芝吟無日得去陪清
賞秋寄山君一寸心
澆酒逋梅又幾回愁吟奮兩獨登臺星々崔語山臆
曉割得雲心古錦來

九日

細看黃花把一枝東籬猶是昔人非題糕酒外豪心
在吹帽風前素髮稀雁叫霜天悲故國鴉翻溪樹背
寒暉百年獨有閒居樂可怪東山事竟違

道場山

訪碑無古跡丹碧覆嵯峨塔向城中共山從寺右多
踈松小溪路遠淒太湖波何錯楷書堂在猶嫌隔翠蘿

何山

山回人得姓人去佛來居隣有天章墓碑無玉局書
幽溪通古郭荒澗入春畬客子吟鬚冷高峯夕照餘

月泉紀游

小春霜寓曉閒訪古招堤何歲齋魚廢初弦顧兔迷
先民堂上像寓客柱間題僧戶蜂分小山形虎欠低
松青江廟北竹老野橋西親汲聊煎茗深登信杖藜
琴師年九十相見手重携

不寐

空牀展轉對孤檠寒漏年長更雨声如此乾坤閒歲
月明朝華髮滿頭生

寄崔田

崔向孤山去未歸片雲行雁与心期新詩不着工夫
得雪外看花独立時

至後

陽生七日驗飛葭衮：天机歲載華江草未圓青帝
夢香雲漏洩与梅花

嘗川次韵崔田

蒼雪双流合，飄檣万里通。連山黃獨雪，一雁白蘋風。
酒戶春醅淺，魚村晚市同。旧游蕉鹿外，未老已成翁。

歲晏用趙誼父訪雲心韵以寄

看春知几度，玄髮故應非。世事真犹梦，人生瘦勝肥。
竹边随意入，梅下得詩歸。緬想羊何友，湖山樂所依。

正月二日雪

兩送冬雷了，如篋墮晚晴。紫盈溪樹色，騷殺紙窓聲。
着瓦消还易，因風凍不成。紛紛門外履，犹自賀元正。

送晏桂山赴高沙郡

青衫赴闕已三迁，紅旆臨州不五年。舊吏誇榮從事

府，新民迎擁使君羈。牡丹池館春融日，蕤葉汀洲水
漲天。自是边籌談笑辦，归来仍侍玉皇前。

接武容臺彼一時，溪鄉重幸得追随。漚前心事滄浪
影，梅下吟情汗漫期。感慨中年無近别，衰回明月有
相思。殷勤勸醉陽關晚，受盡柳榆只自知。

秋思

暑退涼生體氣佳，卷簾聽雨感年華。西風葉落梧桐
冷，開盡庭前白雁花。

溪上

今夕知何夕，吾意亦良遒。明月滿船，蓬清風動，惟席

過雨前溪渾停雲半空白
衰荷無嬌紅老梧有枯碧
頻更燭對棋仍把酒澆石
歲行變暄涼朋情慨離索
相思日以長孤吟夜方寐
露下客衣單草際螢光奕
年々脩玩心一醉不得惜

崔田還江右

欲留雲共住雲去楚天長
此日吾猶惜中年別易傷
搜吟梅下影賭奕橘中香
謹勿移山諾春風入帝鄉

歸雁亭

青雲影裏自由身幾倚闌
干看不真又是江湖春雪
盡年年腸斷玉闌人

午日次韻池龍襲父

小泊蘋香柳下磯重逢佳節感年時
東蒿偶作人形想采藥須供國手醫
江鏡願為明主監楚菰愁賦逐
臣詞酒邊聽盡敲蓮雨數日淮南未遲

垂虹

四岸俱無只有天烟檣如雨落漚前
不知笠澤翁何許波上清風一万年

憶着前游十四年三高祠下夕陽舡
無錢買得鱸魚繪吟就橘花香裏眠

姑蘓臺

故址畊殘草樹秋無人曾見鹿來游甬東亦是當時
月不照笙歌只照愁

席丘

曼陀石上無根樹歷々生公說法餘劔水一泓清徹
底至今人說有龍居

惠山

石苔滑汰屋連斜第二泉邊古佛家一壑松風聽不
了卻留僧坐自煎茶

棟花

綠樹菲々紫白香犹堪纏黍沉湘江南四月無風
訊青州前頭蝶思狂

毗陵天慶觀龍

殿陰壁老懷仁筆頭角崢嶸春起蟄有時麾斥惠山
雲行雨歸來半身濕

丹陽道中流寓人

累土編茅古制庠官田種秫得沽私自言身健無徭
役猶勝平生江北時

京口運河上

荒々永岸水如溝翁仲無言立上頭日々輝舟銜尾
去東南民力尚支不

多景樓

假日此登臨，淒涼北望心。
戍烽孤障杳，塔影一江深。
點虜投鞭想，將軍誓檄吟。
所嗟人事異，天險古猶今。

金山

江身臺殿切空雲，夜月魚龍影不分。
八十老僧相引說，潮痕不上郭公墳。

瓜州

如此江濤更有人，佛狸竟死不能兵。
幅巾短櫂漚前夢，未省當時有此城。

維揚即事

牛斗星邊禹貢州，東南屏蔽大江流。
向來明月珠簾夢，不信秋風夜柝愁。
皂角林前野地寬，新塘路口草泥乾。
天乎如此功名事，成敗觀人自昔難。

茅屋蘆門半市坊，居民無事六軍裝。
愁來莫上城頭望，西北浮雲接太陽。
月明城上隄邊笳，一枕三更夢到家。
不耐楚氛真僻性，賦詩酌酒与瓊花。

土霧如蒸暴暑天，燭龍偏駐柳邊舩。
三清觀裏風廊午，滿意題詩借榻眠。

平山堂千古

隔江山色畫圖中
故址荒來與廟通
畫地雄吞淮海
水占星高直斗牛
宮試評蜀味長
泉變欲唱歐詞古
柳空往事茫茫
增感慨聊憑戍卒指西東

平山和韻崔田

瓊花應自笑南翁
白髮栖々逐斷蓬
兵後百年城郭
是塵間多事古今同
孤烟遠堠如常長
五月窮邊尚
冷風可待燕鱸歸
與畫長吟且復付杯中

道中觀岸水戲書

秧馬泥深繭犢閒
燭龍顧影桔槔間
尋常六月江南
雨不比君王帟藏慳